



SAMOA

Faatulagaina o Aiaiga

- | | | |
|----|---|--|
| 1. | Igoa puupuu ma le amataga | faaolaina mai o tupe ua tatau ona totogiina e tusa ai ma poloaiga tau tausiga. |
| 2. | Tofia o tagata ofisa o le Faamasinoga e faatinoina le toe | |

1997, Nu. 18

O SE TULAFONO e teuteu ai le Tulafono o Tausiga ma Faamaoniga o Tama 1967 i le faamanino maotiina lea o lena Tulafono e faapea, e mafai e se Tagata Ofisa tau Tausiga ona avea ma sui o ni tagata i le sailia o ni Poloaiga tau le Faamaoniga o Tama, e tusa ai ma le Vaega IV o le Tulafono e pei ona taua.

(22 Aukuso 1997)

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Tausiga ma Faamaoniga o Tama 1997, ma e tatau ona faitauina faatasi ma avea ai o se vaega o le Tulafono o Tausiga ma le Faamaoniga o Tama 1967 (e pei ona faasinomia mulimuli ane iinei o le Tulafono autu).

(2) O lenei Tulafono e tatau ona amata faamamaluina i le aso o le a tuuina i ai le maliega a le Ao o le Malo.

2. Tofia o tagata ofisa o le Faamasinoga e faatinoina le toe faaolaina mai o tupe ua tatau ona totogiina e tusa ai ma poloaiga tau tausiga-(1)

4 *Tulafono o Teuteuga o le Tulafono 1997, Nu.18
o Tausiga ma Faamaoniga o Tama*

Faafuaiupu 36(3) o le Tulafono autu ua teuteuina nei i le aveesea o le faafuaiupu ma suia e faapea:

"(3) O le Tagata Ofisa tau Tausiga e mafai ona ia faia ni taualumaga faale-tulafono, ma e mafai ona auai i le fofogaina o so o se taualumaga, e tusa ai ma le Vaega III, Vaega IV, Vaega V po o Vaega VI o lenei Tulafono."

(2) Faafuaiupu 36(4) o le Tulafono autu ua teuteuina nei i le aveesea o le faafuaiupu ma suia e faapea:

"(4) E mafai e le Tagata Ofisa tau Tausiga, e avea ai ma sui o le tagata ua talosaga i ni uluai taualumaga po o le tagata, o ia lea e faamanuiaina i tupe e totogiina mai e tusa ai i so o se poloaiga i lalo o lenei Tulafono, ma i luga o se talosaga tusia a sea tagata, e auai ai i so o se taualumaga e faapea:

- (a) O se talosaga mo le toe fofogaina, po o le toe fofogaina, o so o se talosaga e tusa ai ma le Vaega III, Vaega IV, Vaega V po o le Vaega VI o lenei Tulafono;
- (b) Taualumaga mo le soloia, fetuunai, po o le faamutaina o so o se poloaiga na faia i lalo o lenei Tulafono mo le totogiina mai o tupe e tusa ai ma le tausiga o so o se tagata."